



Ka President Thomas S. Monson

Ema mo Mafelong a a Boitshepo

Puisanyo le Rraetsho yo o kwa Legodimong — go balelwa dithapelo tsa rona go Ene le Tlhotlheetso ya Gagwe go rona — e botlhokwa gore re kgone go gwetlhelela ditsuatsue le diteko tsa botshelo.

Barwarre le bokgaisadiake ba lo rategang, re utlwile melaetsa e e siameng mosong o, e bile ke leboga mongwe le mongwe yo o tsereng karolo. Re itumelela segolo bogolo go bo re na le Mogolwane Robert D. Hales le rona gape gape a ikutlwa a le botoka. Re a go rata, Bob.

Jaaka Ke ne ke akanya ka gore ke ka reng go lona mosong o, Ke ne ke ikutlwa go le abela dikakanyo dingwe le maikutlo ao ke a akanyetsang gore a tsamaelang gape a le ka nako. Ke rapela gore ke bo ke kaelwa mo go seo ke tlaa se buang.

Ke tshidile lebaka mo lefatsheng le dingwaga dile 84 jaanong. Go le fa tshedimosetso nyana, Ke tshotswe ka ngwaga ole mongwefela le yo Charles Lindbergh a neng a fofisa sefofane ale nosi se sa eme gotswa New York go ya Paris ka enjene a nngwe, setilo sele sengwe sa sefofane sa motho a le mongwe. Bontsi

bo fetogile ka sebaka sa dingwaga tse 84 go tswa koo. Motho ga a bolo go ya ngwedding le go bowa. Tota, fikishene ya maabane ya tsa mafaratlhatlha e setse e rurifaditswe gompieno. Mme thurifatso eo, malebo go maranyane a dinako tsa rona, e fetoga ka bofefo jo eleng gore ga re sa kgona go emisanya le yone — fa ele gore re dira jalo gotlhe. Go rona bao re gakologelwang mogala wa taele le dithaerwaethara tsa letsogo, maranyane a gompieno a feta mo go gakgamatsang.

Gape le mo go golang ka bofefo ke khampase ya maitsholo a batho. Maitshwaro ao a neng pele a tsewa a sa siama gape ele maitsholo a e seng one jaanong e seng fela gore a a letlelelwa gape a lejwa ke bale bantsi a letlelesega.

Ke sa tswa go bala mo *Jenaleng ya Wall Street* lekwalwana ka Jonathan Sacks, Mo rabbi mogolo wa Mobri-thani. Gareng ga dilo tse dingwe, o

ne a kwadile: “Mo go mabapi le setho sengwe le sengwe sa bophirima ka bo 1960 go ne go na le phetogo ya maitsholo, tlogelo ya ngwao yotlhe le tsamaiso ya go ikgapa. Gotlhe mo o go tlhokang, ga opela Beatles, ke lorato. Maitsholo a tsamaiso ya Sekeresete le Sejuta a ne ya ganwa. Mo seeming sa one go ne ga tla [puo e e tsewang ele boammaaruri]: *[Dira] sengwe le sengwe se se go berekelang.* Ditaelo tse Lesome di ne tsa kwalololwa jaaka Dikgakololo tse di Itiretsweng tse Lesome.”

Rabbi Sacks o ne a tswela ka go gakgamala:

“Re ntse re dirisa moshate wa maitsholo a rona ka mo go tshwanang le go tlogela go akanya jaaka re ntse re dirisa moshate wa tsa madi a rona. . . .

“Go na le bontlha jo bogolo jwa [lefatshe] ko bodumedi eleng selo sa maloba mme ga gona lentswe la kganetso go ngwao ya e reke, e dirise, itshupe, ka gore o mosola. Molaetsa ke gore boitsholo bo tlodilwe ke dinako, maikutlo a tshiamo le phosego ke a ba ba bokowa, mme lefoko ka nosi le le fetolang taelo ke gore ‘O seka wa tshwarwa.’”¹

Bomorwarre le bokgaisadiake, se — ka maswabi — se tlhalosa bontsi jwa lefatshe le le re dikologileng. A re itobetsa matsogo ka kakabalo mme re ipotse gore a re ya go tshelang tota mo lefatsheng le lentseng jaana? Nnya. A ruri, re na mo matshelong a rona efangele ya ga Jeso Keresete, mme re itse gore bitsholo ga bo a tlolwa ke dinako, gore maikutlo a tshiamo kana phosego a teng go re kaela, le gore re na le

maikarabelo mo ditrong tsa rona.

Lentswa lefatshe le fetogile, melao ya Modimo e eme golo gole gongwe. Ga e a fetoga; ga e kake ya fetoga. Ditaello tse Lesome di ntse fela jalo — ele ditaello. Ga se dikgakololo. Di botlhokwa mo ntlheng nngwe le nngwe gompiano jaaka fela dine dintse fa Modimo a ne a di fa bana ba Iseraele. Mme fa re ka reetsa, re ka utlwa lentswe gape la Modimo, a bua le rona fana le gompiano:

“O seka wa nna le medimo epe fa pele game.

“O seka wa dira gowena setshwan-tsho sa sebopego sepe. . . .

“O seka wa tsaya ka lefela gowena leina la Morena Modimo wa gago. . . .

“Gakologelwa letsatsi la Sabatha, go le dira Boitshupo. . . .

“Tlotla rraago le mmaago. . . .

“O seka wa bolaya.

“O seka wa dira boaka.

“O seka wa utswa.

“O seka wa fa bosupi jwa maaka, . . .

“O seka wa eletsa.”²

Maitsholo a boitshwaro jwa rona a tlhamaletse; ga a fetolwe. Ga se fela mo Ditaelongtse Lesome mme ke mo semoneng ya Thaba, eo e re filweng ke Mmoloki fa a ne a tsamaya mo lefatsheng. E fitlhelwa gotlhe mo dithutong tsa Gagwe. E fitlhelwa mo mafokong a tshenolo ya segompiano.

Raetsho yo o kwa Legodimong o tshwana fela maloba, gompiano, le go ya goile. Moporofiti Momone o re bolelela gore Modimo “ga a fetoge goisa bosa khutleng go isa bosa khutleng.”³ Mo lefatsheng le leo sengwe le sengwe le sebegang se fetoga, Go sa fetogeng ga Gagwe ke sengwe seo re ka ikanyang go sone, setshegetsi seo re ka itshwarelelang thata go sone mme re sireletsege, eseng re feelelwe kgakala ke metsi a sa itsagaleng.

Fa gongwe go ka bonagala nako tse dingwe gore bao ba ba mo lefatsheng ba ja monate thata gona le wena. Bangwe ba lona ba ka nna ba ikutlwa ba kgorelediwa ke maisholo

a boitshwaro jo rona mo Kerekeng re bo salang morago. Barwarre le bokgaitسادie, Ke bega go lona, le fa gontse jalo, gore ga go na *sepe* seo se ka re tlisetsang boipelo jo bogolo mo matshelong a rona kgotsa kagiso e ntsi go mewa gona le Mowa oo ka tlang go rona jaaka fa re sala Mmoloki le go tshegetsa ditaello. Mowa ga o kake wa nna teng mo ditirelong tsa mefuta e lefatshe ka bontsi le tsayang karolo go tsona. Moaposetola Paulo o ne a bega boammaaruri jwa gore: “Monna wa tlholego ga a amogele dilo tsa Mowa wa Modimo: gonne ke bomatla go ene: gape e bile ga a kake a di itse, ka gore di lemogwa ka semowa.”⁴ Lefoko *monna wa tlholego* le kanna la raya mongwe le mongwe wa rona fa re itetlelela go nna jalo.

Re tshwanetse go nna podi matseba mo lefatsheng leo le suteletseng kgakala gotsweng go seo se leng semowa. Go botlokwa gore re gane sepe seo se sa dumalaneng le sekale sa rona, re ganetsa mo tsamaong go ineela go seo re se eletsang thata: botshelo jwa bosa khutleng mo bogosing jwa Modimo. Ditsuatsue di tlaa nna di betse mo mabating a rona nako le nako, go nne ke karolo eo e sa kakeng ya tshwapogwa ya go nna teng garona mo senameng. Rona, le fa gontse jalo, re tlaa bo re le botoka ka ditsompelo go dirisanya le bone, go ithuta mo go bone, le go ba fenya fa re na le efangele ele konokono ya rona le lorato lwa Mmoloki mo dipelong tsa rona. Moporofiti Isaiah o ne a bega, “Tiro ya tshiamo e tlaa nna kagiso; mme maduo a tshiamo tshisibalo le netefatso go ya go ile.”⁵

Jaaka ele go nna *mo* lefatsheng mme re se *ba* lefatshe, go a tlhokafala gore re buisanye le Raetsho yo o kwa Legodimong ka thapelo. O batla redira jalo; O tlaa araba dithapelo tsa rona. Mmoloki o re tlhagisa jaana, jaaka go kwadilwe mo 3 Nephi 18, gore re “lebelele re rapele ka nako tsotlhe e seng re tsene mo thaelong; gonne Saatane o eletsa go re tsaya. . . .

“Ka jalo re tshwanetse go rapela

go Rara ka leina lame;

“Mme ope yo o tlaa botsang Rara ka leina lame, seo se siameng, a dumela gore o tlaa amogela, bonang o tlaa se fiwa.”⁶

Ke nnile le bopaki jwame ka matla a thapelo fa kene kele dingwaga di kanna 12. Ke ne ke berekile thata go nna le madinyana mme ke ne ke kgonne go ipeelea didolara tse tlhano. Se ene ele ka sebaka sa Khutsafalo e Kgolo, fa didolara tse tlhano e ne ele madi a matona — bogolo jang go mosimane yo o 12. Ke ne ka fa matsana ame, ao a neng ele didolara tse tlhano tsotlhe, go rre, mme o ne a mbuseletsa lethare la dolara tse tlhano. Ke itse gore go ne go na le sengwe seo ken eng ke itebaganyo le go se reka ka dolara tse tlhano, le fa ele gore dingwaga tse tsotlhe ga ka gakologelwe gore ene ele eng. Ke gakologelwa fela botlhokwa jwa madi ao gore a ne a ntse jang go nna.

Ka nako eo, re ne re sena mchine o o tlhatswang, jalo mme o ne a tle a nthume go ya go tlhatswa beke le beke diaparo tsa rona seo din eng di tlhokana le go tlhatswiwa. Morago ga malatsi, thankga ya seo re neng re se bitsa “tlhatso e metsi” e tlaa bo e busediwa go rona, mme Mme o tlaa bo a anega dilwana mo terateng ya diaparo kwa morago go oma.

Ke ne ke tsenntse lethare la me la didolara tse tlhano mo kgwatlheng ya jeni tsame. Jaaka o kanna wa lepa, dijeni tsame di ne di rometswe go ya go tlhatswiwa ka madi a ntse ale mo kgwatlheng. E ne ya re ke lemoga seo se diragetseng, Ke ne ka lwala ele ka go tshwenyega. Ke ne ke itse gore ka tlwaelo dikgatlha dine di tlholwa kwa go tlhatswiwang pele ga go tlhatswa. Fa ele gore madi ame ga a lemogwa mme a tserwe ka sebaka seo, Ke ne ke itse gore go ka tota madi a setse a kgagogile ka nako ya go tlhatswa mme a tlaa tsewa ke mmereki o o tlhatswang yo a ka sekeng a itseng gore madi a tshanetse go buseletswa go kae, le fa ane a eleditse go dira jalo. Photlha tsa go bona gape didolara tse tlhano tsame di ne di le

kgakala thata — nnete yeo mme a e rurifaditseng fa kene Ke mmolelela gore ke ne k tlogetse madi mo kgathheng yame.

Ke ne ke batla madi ao; Ke ne ke tlhoka madi ao; Ke ne ke berekile thata go bona madi ao. Ke ne ka lemoga gore go selo sele sengwe fela seo nka se dirang. Mo go go leng gogolo Kene ka fetogela go Rraetsho yo o kwa Legodimong mme ka lelela go Ene gore a beye madi ame ka tshireletsego mo kgathheng eo go fitlhela tlhatso e e metsi e tla.

Malatsi a a diegileng morago ga moo, fa ke ne ke itse gore e setse ele nako gore teraka e e folosang e tlise diaparo tsa rona, Ke ne ka ema fa se okomela bagweng, ke eme. Jaaka fa teraka ene e fokotsa lobelo, pelo yame e ne ya betsa. Ka bonako jwa fa diaparo tse di metsi di le mo ntlong, Ke ne ka goga dijani tsame mme ka tabogela mo kamoreng ya borobalo yame. Ke ne ka tsenya letsogo mo kgwathheng ka matsogo a a roromang. E ne ya re ke sa bone sepe ka ponyo ya leitlho, Ke ne ka akanya gotlhe go latlhegile. Mme menwana yame ya kgoma lethare leo la didolara lele metsi. Jaaka kene ke le goga gotswa mo kgwathheng, tshosologo ene ya tlaa gonna. Ke ne ka fa thapelo ya maikutlo ya pelo go leboga Rraetsho yo o kwa Legodimong, gonne Ke ne ke itse gore o ne a arabile thapelo yame.

E sale ka nako eo ya lebaka la bogologolo, Ke nnile le dithapelo tse di sa balegeng tseo di arabilweng. Ga go letsatsi leo le fetang ke sa buisanye le Rraetsho yo o kwa Legodimong ka thapelo. Ke botsalano joo ke botlotlang — jo Ke ka latlhegang ka mmaantota fa bo seo. Fa ele gore jaanong ga o na botsalano jo bo jalo le Rraetsho yo o kwa Legodimong, Ke go gwetlha gore o berekele mo sekgeleng seo. Jaaka fa o dira jalo, o tlaa nna mo seemong sa go fiwa tlhotlhetso ya Gagwe le kaelo mo botshelong — ditlhoko tsa gago go mongwe le mongwe wa rona fa ele gore re tlaa tshela semowa ka

sebaka sa tsamao ya rona fana mo lefatsheng. Tlhotlhetso eo le kaelo ke dimpho tseo A dire fang mahala fa ele gore re a di senka. Ke dikhumo ele ruri!

Ke nnisiwa bokgwabo le malebo nako le nako fa Rraetsho yo o kwa Legodimong a buisanya le nna ka tlhotlhetso ya Gagwe. Ke ithutile go e lemoga, go e tshepa, go e sala morago. Nako le nako gape Ke nnile kele mmona thuso ya tlhotlhetso yeo. Nngwe ya maitemogelo ao a tshoganetso a diregile ka Phatswe wa 1987 ka sebaka sa go tshwaiwa ga Tempele ya Frankfurt Germany. Moporesidente Ezra Taft Benson o ne a na le rona mo letsatsing la ntlha kgotsa a mabedi a tshwaelo mme o ne a boetse gae, mme ka jalo e ne ya nna tshono yame go etelela diphuthego tse di setseng.

Ka matlhatso re ne ra nna le phuthego ya maloko a rona a Dutch bao ba neng bale kwa kgaolong ya Tempeleng ya Frankfurt. Ke ne ke itsanye sentle le mongwe wa baetele-dipele ba popota gotswa kwa Netherlands, Morwarre Peter Mourik. Fela moragonyana ga phuthego, Ke ne ka nna le dikakanyo tse di rileng gore Brother Mourik o tshwanetse gore a bitswe go bua le maloko a gagwe a Dutch ka sebaka sa phuthego le gore, tota, e nne mmui wa ntlha. Ka go bo ke ne ke sa mmona mo tempeleng mosong o, Ke ne ka fitisa mokwalo go Mogolwane Carlos E. Asay, Moporesidente wa Kgaolo ya rona, ke mmotsa gore a Peter Mourik o teng mo phuthegong. Fela moragonyana ga go ema ke simolola phuthego, Ke ne ka amogela mokwalo go tsweng go Mogolwane Asay a supa gore Mokaulengwe Mourik ka mmannete *ga a yo* teng foo, le gore o tshwaregile golo gongwe, le gore o ne a rulaganyeditse go tsenelela phuthego ya tshwaelo mo tempeleng letsatsi le le latelang le badiredibanna ba seteiki.

Jaaka Ke ne ke eme mo pulipiting go amogela batho le go fa thadiso ya lenaneo, Ke ne ka amogela tlhotlhetso eo e neng e sa fosege gape

gore Ke tshwanetse go bolela fa Peter Mourik ele mmui wa ntlha. Se ene ele kganetsego ya tlhologo yame, gonne Ke ne ke sa tswa go utlwa gotsweng go Mogolwane Asay gore Morwarre Mourik ka tota ga a yo mo tempeleng. Lefa gontse jalo, ka go tshepa mo tlhotlhetso, Ke ne ka bolela go bewa pele ga khwaere le thapelo mme jalo ka supa fa mmui wa ntlha e tlaa nna Mokaulengwe Peter Mourik.

E ne ya re ke boela mo setulong sa me, Ke ne ka gadima kwa go Mogolwane Asay; Ke ne ka bona mo sefathegong sa gagwe tebebo ya kga-kgamalo. O ne morago a mpoletlela gore e ne ya re ke sena go bolelela Mokaulengwe Mourik ele mmui wa ntlha, o ne a seka a dumela ditsebe tsa gagwe. A re o ne a itse fa ke amogetse mokwalo wa gagwe le gore ka mmannete ke obadile, mme o ne a sa kake a tlhaloganya gore ke ka jang jaanong ke bolela Mokaulengwe Mourik ele mmui, ke ntse ke itse fa a seo mo tempeleng.

Ka sebaka se tsena tsotlhe di neng di diragala, Peter Mourik o ne a le mo phuthegong kwa di ofising tsa kgaolo mo Porthstrasse. Jaaka phuthego ya gagwe e ne e ntse e tshweletse, o ne ka tshoganyetso a retologela go Mogolwane A. Hawkes Jr., yo ka nako eo eneng ele moemedi wa kgaolwana, mme a mmotsa, “O ka nkisa ko tempele ka bonako jo bo kae?”

Mogolwane Hawkes, yo a neng a itsagala ka go kgweetsa ka lobelo mo koloing ya gagwe e nnye ya metshameko, a araba, “Ke ka go baya koo kafa tlase ga metsotso e 10! Mme ke eng o tlhokana le go ya kwa tempeleng?”

Mokaulengwe Mourik o ne a amogela gore ga a itse gore ke eng a tlhokana le go ya kwa tempeleng mme o ne a itse gore o tshwanetse go ya koo. Bobeding jwa bone bo ne jwa ya koo tempeleng ka ponyo ya leitlho.

Ka sebaka sa nomore ya khwaere, Ke ne ka lebelela tikologo, ke akanya gore ka nakwana epe fela Ke tlaa bona Peter Mourik. Ke ne ka

seke ka mmona. Lentswa, seo, kene ka seke ke gakgamale. Ke ne ka nna le netefatso, eo e ne e sa kakeng ya ganediwa gore tsotlhe di tlaa siama.

Mokaulengwe Mourik o ne a tsena ka kgoro ya fa pele ya tempele fela fa thapelo ya pulo e neng e fetswa, a ntse a sa itse gore ke eng a le koo. E ne yare a tabogela kwa holong, o ne a bona setshwano same mo mogoeletseng mme a nkutlwa ke bolela, “Re tlaa utlwa jaanong gotsweng go Mokaulengwe Peter Mourik.”

Mo kgakgamatsong e kgolo ya Mogolwane Asay, Peter Mourik ka ponyo ya leitho a tsamaela mo kamoreng mme a tsaya bodulo jwa gagwe mo phudiamong.

Morago ga phuthago, Mokaulengwe Mourik le nna re ne ra buisanya ka ga seo se neng se sa tswa go diragala pele ga tshono ya go bua. Ke ne ka akanya thata ka ga tlhotlheletso eo e tsileng ka letsatsi leo e seng fela go nna mme gape go Peter Mourik. Maitemogelo ao a a gakgamatsang a file bosupi jo bo sa ganediweng go nna jwa bothokwa jwa go itekanela

semoweng go amogela tlhotlheletso e e jalo mme le go tshepa mo go yone — le go e sala morago — fa e tla. Ke itse ke sa botsolotse gore Morena o ne a batlile go bao ba neng bale teng ka phuthago eo ya tshwaelo ya Tempele ya Frankfurt go utlwa bopaki jo bo maatlal, jo bo amang jwa motlhanka wa Gagwe Mokaulengwe Peter Mourik.

Barwarre le bokgaitadiake ba le rategang, puisanyo le Rraetsho yo o kwa Legodimong — go balelwa le dithapelo tsa rona go Ene le tlhotlheletso go rona — e bothokwa gore re gweilhelela ditsuatsue le diteko tsa botshelo. Morena o a re laletsa, “Atumela gaufi lenna mme Ke tlaa atumela gaufi le wena; ntshenke ka tlwaafalo mme o tlaa mphithlela.”⁷ Jaaka fa re dira jalo, re tlaa utlwa Mowa wa Gagwe mo matshelong a rona, a re fa keletso le bopelokgale jwa go ema ka nonofo le nitamo mo tshiamong — go “ema . . . mo mafelong a a boitshepo, mme re sa sute.”⁸

Jaaka fa diphefo tsa phetogo di

foka gore dikologa le maitsholo a konokono a batho a tswela ka go foforega fa pele ga matlho a rona, tla re gakologelweng tsholofelo ya thwathwa e Morena go bao ba Mo tshepang: “Se boifeng; gonne Ken a lelona: lo seka lwa nyema moko; gonne Ke nna Modimo wa gago: Ke tlaa go thatafatsa; ee, Ke tlaa go thusa; ee, Ke tlaa go tshegetska ka letsogo lame la moja la tshiamo.”⁹

A tsholofetso! A se enne lesego la rona, Ke rapela ka bopelophepa ka leina le le boitshepo la Morena wa rona Mmoloki, Jeso Keresete, amene.

DINTLHA

1. Jonathan Sacks, “Reversing the Decay of London Undone,” *Wall Street Journal*, Aug. 20, 2011, online.wsj.com; kgatelelo e tlhaleleditswe. *Ntlha*: Morena Sacks ke kgosi ya dirabbi tsa United Hebrew Congregations ya Mafatshe a selekanye.
2. Exodus 20:3–4, 7–8, 12–17.
3. Moroni 8:18.
4. 1 Corinthians 2:14.
5. Isaiah 32:17.
6. 3 Nephi 18:18–20.
7. Doctrine and Covenants 88:63.
8. Doctrine and Covenants 87:8.
9. Isaiah 41:10.

Dithuto tsa Nako ya Rona

Boperesita jwa Melekhese-teke le Mokgatlo wa Thuso mo Sontageng wa bone o tlaabo o remeletse mo “Dithuto tsa Nako ya Rona.” Thuto engwe le ngwe e ka baakanyediwa mo puong engwe kgotsa dipuo tse mmalwa mo phuthego kakaretso ya bosheng (bona chate fa tlase) Boporesidente ba Seteiki le kgaolwana ba ka tlhopha dipuisano tse ditla dirisiwang, kgotsa ba ka neela bobishopo le boporesidente ba makalana maikarabelo ao. Baeteledipele ba tshwanetse go gatelela boleng jwa bakaulengwe mo Boperesiting jwa Melekhese-teke le bokgaityadi mo Mokgatlo wa Thuso go ithuta dipuisano dile dingwe mo Sontageng yoo.

Bao batlang thutong ya Sontaga wa bone ba rotloedwa go ithuta le go tisa montlung ya borutelo buka ya kgatiso ya phuthego kakaretso ya bosheng.

Megopolo go Ipaakanyetsa Thuto go tsweng Dipuisanyong

Rapela gore Mowa o o Boitshepo o nne le wena jaaka

o ithuta le go ruta (di) puisanyo. O ka nna wa raelesega go baakanyetsa thuto e o dirisa didirisiwa di sele, mme dipuisanyo tsa phuthego di mo togamaanong ya thuto e e laotsweng. Thomo ya gago ke go thusa ba bangwe go ithuta le go tshela efangele e e rutwang mo phuthego kakaretso ya bosheng ya Kereke.

Lebelela (di) puisanyo, o batla melawana le dithuto tse dikgotsofalelang letlhoko la maloko a telase. Gape lebelela metshameko, kaedi ya mafoko a tumelo, le dite mana go tsweng (di) puisanong tse ditla go thusang go ruta nnete ee.

Dira metlhale ya gore o tla ruta jaang melawana le dithuto tse. Metlhale ya gago e tshwanetse go akaretse dipotso tse ditla thusang maloko a telase:

- Leba melawana le dithuto mo (di) puisanyong.
- Akanya ka ditlhaloso tsa tsone.
- Ngathelana go thaloganya, megopolo, maitemogelo, le bopaki.
- Diragatsa melawana le dithuto tse mo matshelong a bo ne.

DIKGWEDI TSE DITHUTO TSE DI RUTIWANG	DI DIRISIWA TSA THUTO YA SONTAGA YA BONE
Ngwanatsele 2011–Moranang 2012	Dipuisanyo tse di anamisitsweng mo Motsheganong 2011 <i>Liahona</i> *
Motsheganong 2012–Phalane 2012	Dipuisanyo tse di anamisitsweng mo Motsheganong 2012 <i>Liahona</i> *

*Dipuisanyo tse diteng ka (diteme tse difarologanyeng) ko conference.lds.org



Ka Mopresidente Dieter F. Uchtdorf

Mogakolodi wa Bobedi mo Bopresidenteng jwa Ntlha

O Botlhokwa go Ene

Morena o dirisa sekale se se farologanyeng le sa lefatshe go kala boleng jwa motho.

Moshe mongwe wa baporofiti ba bagolo bao le fatshe le sa tswa go mo itseng, o ne a godisitswe ke morwadie Faro mme a tsaya dingwaga dile 40 tsa botshelo jwa gagwe mo diholong tsa bogosi jwa Egepeto. O ne a itse ka boene kgalalelo le bogolo jwa bogosi jo jwa bogologolo.

Dingwaga morago, kwa godimo ga thaba e e sekae, kgakala go ntshiweng go tsweng mo botlhalleng le bogolong jwa Egepeto yo motona, Moshe o ne a ema fa pele ga Modimo mme a bua le Ene a mo lebile mo sefatlhagong jaaka motho a bua le tsala ya gagwe.¹ Ka sebaka sa nako ya ketelo eo, Modimo o ne a bontsha Moshe modiro wa diatla tsa Gagwe, a mo fa tshono ya go okomela tiro ya Gagwe le kgalalelo. E ne ya re fa pono e fela, Moshe o ne a wela fa fatshe ka sebaka sa dioura tse dintsi. E rile fa nonofo e boela la bofelole, o ne a lemoga sengwe gore, mo dingwageng tsotlhe tsa gagwe mo lebatleng la ga Faro, se se iseng se tle mo go ene.

“Ke a itse,” o ne a bua, “gore motho ga se sepe.”²

Re Bannye Gona le Mo re go Akanyang

Ka bontsi jo re ithutang ka lobopo ka gone, ka bontsi jo re tlhaloganyang — go fetanyana ka bontlha jo bonnye — se Moshe a se itsileng. Lobopo lo logolo, ele masaitsiwe, le kgalalelo mo eleng gore ga le tlhaloganyesege mo tlhaloganyong ya batho. “Mafatshe a senang palo Ke a tlhodile,” Modimo o ne a bua go Moshe.³ Dikgagamatso tsa loapi lwa bosigo di dintle ele bopaki jwa boammaaruri jo.

Go na le dilo di le mmalwa tseo di ntladitseng gore ke sale ke sa heme jaaka go fofa mo bosigong jo bontsho go kgabaganya mawatle le dikonthinente mme go leba kwa ntle ga lefelong la fenstere godimo ga kgalalelo e e sa feleng ya dinaledi.

Baasetoronate ba lekile go bala dinomore tsa dinaledi mo lobopong. Nngwe ya setlhopho sa ba tsa boranyane ba ne ba balela gore dipalo tsa dinaledi tse di gaufi le thesekokoupo ya rona di tsena ga 10 go feta otlhe mmu wa motlhaba mo matshitshing le dikaka tsotlhe tsa lefatshe.⁴

Khutlhetso e na le petso e e tshwanang le pego ya moporofiti wa

bogologolo Enoke: “Fa go ne go kgonagala gore motho a bale matlapana a lefatshe, ee, didikadike tsa mafatshe jaaka le, e tlaa bo e se tshimologo ya nomore ya ditlholego tsa gago.”⁵

Go filwe ditlholego tse dintsi tsa Modimo, ga go gagamatse gore Kgosi Benjamin o ne a gakolola batho ba gagwe gore ba “nne ka nako tsotlhe ka kgakologelo, bogolo jwa Modimo, le bofefela jwa gago.”⁶

Re Golo Gona le Mo re go Akanyang

Mme le fa ntswa motho e se sepe, go ntlatsa ka kgagamatso le mo ke saleng ke eme go akanya gore “boleng jwa motho bo bogolo fa pele ga Modimo.”⁷

Mme le fa re ka nna ra lebelela botona jwa bophara jwa lobopo mme re re, “Motho ke eng o mo tshwantshanya le kgalalelo ya tlholego?” Modimo ene ka bo Ene o rile re lebaka leo A tlhodileng lobopo! Tiro le kgalalelo ya Gagwe — le baka la lobopo le le tona le — ke go boloka a bo a tsholeletsa batho mo kgalalleng.⁸ Ka mafoko a mangwe, botona jwa bophara jwa bosa khutlheng, dikgalalelo le masaitseweng a a sa feleng a sebaka le nako di agetswe go atswa ke batho ba malatsi otlhe jaaka wena le nna. Rraetsho yo o kwa Legodimong o tlhodile lobopo gore re kanna ra fitlhelela ko re tshwanetseng re le barwa le barwadie ba Gagwe.

Se ke pharatokese ya motho: a bapisiwa le Modimo, motho ga se sepe; mme gape re sengwe le sengwe go Modimo. E re le fa go le kgatlanong le diemo tsa bosa feleng jwa tlholego re ka nna ra lebege re se sepe, re na le tlhase ya molelo o o tukang wa bosa khutlheng mo teng ga sehuba

sa rona. Re na le tsholofetso eo e sa tlhaloganyesegeng ya tshololetso kgalalolong — mafatshe ao a sa balweng — gaufi le go a tshwara. Mme ke keltso e kgolo ya Modimo go re thusa go e tshwara.

Bomatla jwa Boikgogomoso

Moaketsi yo mongolo o itse gore nngwe la sedirisiwa se se tona se se a se kgonang ke go etelela bana ba Modimo go ya bosegong ka go isa kwa lekeketleng la pharatoeseng ya motho. Go ba bangwe, o kopa kwa mekgweng ya bone ya boikgogomoso, a ba budulosa le go ba rotloetsa gore ba dumele mo ditorong tsa bone tsa bothokwa jwa bone le gosa kgomegeng ga bone. O ba bolelela gore ba fetile tlwaelesego le gore ka go bo ba kgona, ka matsala, kgotsa seemo sa setso, ba beetswe thoko go tsweng mo go se se kalwang se tlwaelesegile sotlhe se se ba dikologileng. O ba etelelepele gore ba swetse gore ka jalo ga ba ka kwa tlase ga melao ya mongwe le mongwe, le gore ba se ka ba tshwenngwa ke mathata a ga ba bangwe.

Abraham Lincoln o tlwaelesegile ka go rata poko e e balegang jaana:

*Oh ke eng fa mowa wa
motho o tshwanetse go
nna boikgogomoso?*

*Jaaka tshuto ya bofelo ya lentswe
la lobopo, leru le bonako le le
fofang,*

*Tlhase ya legadima, kgaogano
ya makhubu,*

*Motho o feta gotsweng botshelong
go ya kwa boikhutsong jwa
gagwe kwa lebitleng.⁹*

Barutwana ba ga Jeso Keresete ba tlhaloganya gore go tshwantshanya le bosa khutlheng, go nna teng ga rona mo tikologong ya botshelo ke fela “nakwana e khutshwane” mo sebakane le nako.¹⁰ Ba itse gore boleng jwa boammaaruri jwa motho bo na le go le le gonnye le se lefatshe sele tsholeletsang godimong. Ba itse gore o ka baya godimo ledi lotlhe la

lefatshe ka bophara mme le ka seke le go rekele lofo ya borotho mo ekonoming ya legodimo.

Bao ba ba tlaa nnang le “boswa jwa bogosi jwa Modimo”¹¹ ke bao ba nnang “jaaka bana, ba le boineelo, bonolo, boikokobetso, bopelotelele, ba tletse lerato.”¹² “Go nne mongwe le mongwe yo o itsholeletsang kgalalolong o tla bewa fatshe; mme ene yo o ikokobetsang o tlaa tsholeletswa kgalalolong.”¹³ Barutwana bao gape ba tlhaloganya gape gore “fa o le mo tirelong ya bang ka wena o mo tirelong ya Modimo fela.”¹⁴

Ga Re A Lebalwa

Tsela enngwe e Saatane a tsietlang ke ka go nyemisa moko. O le ka gore re itebaganye le go lebelela mo bonnyeng jwa rona go fithelela re simolola go ganetsa gore re na le boleng jo bo bogolo. O re bolelela gore re ba nnye thata gore ope a ka bona, le gore re lebetswe — bogolo jang ke Modimo.

Mpe ke abelane le lona maitemogelo a me ao a kannang a thusanyana go bao ba ba ikutlwang bale bannye, ba lebetswe, kgotsa ba le nosi.

Dingwaga tse dintsi bogologolo Ke ne ka tsenelela ithutuntsho ya bophaelote mo United States Air Force. Ke ne ke le kgakala le go tsweng kwa gae, kele lesole le lennye la West Germany, ke tshotswe kwa Czechoslovakia, ke goletse kwa East Germany mme ke bua Sekgowa fela ka bothata jo bogolo. Ke gakologelwa sentle mosepele wa me go ya kwa ithutuntshong ya beisi mo Texas. Ke ne ke le mo sefophaneng, ke eme go bapa le mopagami yo a neng a bua ka loleme lo lo bokete la kwa Borwa. Ke ne ke sa kgone go utlwa le fa ele gole go nnye lefoko lepe le a neng a le bua. Ke ne ka ipotsa gore A ke ntse ke rutiwa puo e e fosagetseng nako tsotlhe. Ke ne ka tshosiwa ka go akanya gore ke tshwanetse go gaisanya mo setulong se se elediwang se se godimo mo ithutuntshong ya bophaelote kgaatlhanong le baithuti bao e neng ele babui ba gae ba Sekgowa.

Fa Ke goroga kwa boemela fofaneng jwa masole mo toropong ya Big Spring, Texas, Ke ne ka senka mme ka bona lekalana la Baitshepi ba Malatsi — a Bofelo, jo o boneng bo akaretsa maloko a mannye a mmalwa bao ba neng ba tsenelela mo dikamorenng tseo dineng di duelelwa mo teng ga boemela fofaneng jwa masole. Maloko a ne ale mo tsamaeleng ya go aga ntlo ya phuthego e nnye gore e nne ele lefelo la sennela ruri sa Kereke. Ka nako tseo maloko a ne a afa thata mmereko mo dikagong tse disha.

Letsatsi le letsatsi Ke ne ke tsenelela ithutuntsho yame ya bophaelote mme ke ithuta thata jaaka ke ka kgona le go dirisa nako ya me e e setseng go berekela mo ntlong ya phuthego e ntsha. Koo ke ne ka ithuta gore bobedi-ka bone ga se kgato ya tantshe mme ke lebaka la legong. Ke ne ka ithuta bothokwa jwa botswerere jwa go tshela mo go foseng monwana wa kgonotswe wame fa ke betsa sepekere.

Ke ne ka nna le nako entsi ke bereka mo ntlong ya phuthego eo moporesidente wa lekalana — yo e neng ele morutuntshi wa gofofisa — yo aneng a ngongorega mabapi le gore gongwe Ke tseye nako entsi ke ithuta.

Ditsala tsame le bangwe ka nna ba baithuti ba diphaelote ba ne ba tsaya karolo mo go itlakiseng ka metshameko le bone, le fa gontse jalo Ke akanya gore go siame gore kere mengwe ya metshameko eo ene e ka seke ebe ele mo tseleng ya phamfelete ya bogompiano ya *For the Strength of Youth*. Mo karolong yaaka, Ke ne ke ipelela gore ke ne kele motsaya karolo wa popota wa lekalana le lennye la botlhaba jwa Texas, ke dirisa botswerere jwame jo ke sa tshwang go bo bona jwa bobetli, le go tokafatsa Sekgowa same jaaka Ke ne ke swetsa pitso yame ya go ruta mo khwaramong ya bagolwane le mo Sekolong sa Sontaga.

Ka nako eo, Big Spring, le fa gontse jao ka leina la lone, e ne ele

nnye, e sa bonagale, ebile e le lefelo le leneng le sa itsege. Mme Ke ne ke tlhola ke ikutlwa ka tsela ele nngwe ka ga nna — ke sa bonagale, ke sa itsagale, gape kele nosi. Le ka jalo, Kene ka seke ka akanye gangwe gore a Morena a o ntebetse kgotsa a A ka kgona go mpona koo. Ke ne ke itse gore ga go kgathale go Rraetsho yo o kwa Legodimong gore ke ko kae, gore ke itepatepanya jang le ba bangwe mo tlaseng ya bophaelote ya ithutuntsho, kgotsa gore pitso yame ke eng mo Kerekeng. Seo se neng seneng sele bothokwa mo go Ene ke gore ke ne ke dira bojotle jo ke neng ke bokgona, gore pelo yame e bobegotse go Ene, le gore ke eletsa go thusa bao ba ba ntikologileng. Ke ne ke itse gore ga nka dira bojotle jo ke bokgonang, tsotle ditlaa siama.

Mme tsotle dine tsa siama.¹⁵

Bofelo Botlaa Nna Jwanthla

Morena ga a kgathale gore a re tsaya malatsi otlhe a rona re bereka mo diholong tsa mmabole kgotsa dikagong tsa dipitse. O itse gore re ko kae, go sa kgathalesege gore a seemo sa rona se boikokobetso go le kae. O tlaa dirisa — ka tsela ya Gagwe le ka maikaelelo a a boitshepo a Gagwe — bao ba ba bobedisang dipelo tsa bone go Ene.

Modimo o a itse gore batho ba bangwe ba bagolo bao ba tshidileng e sale lefatshe le nna ke bao ba ba ka se kakeng ba bonagala mo dikwalong tsa ditso. Ba segofetse, mewa eo e boikokobetso eo e kopang sekai sa Mmoloki ebile ba nna malatsi a bone ba dira molemo.¹⁶

Nngwe ya bao ke khapole, batsadi ba tsala yame, bane ba a fa sekao gonna mo molawaneng o. Monyadi o ne a bereka kwa felong la ditshipi mo Utah. Ka dijo tsa motshegare o tlaa bo a ntsha mekwalo ya tumelo kgotsa koranta ya Kereke mme a bale. E ne e re fa babereki ba bangwe ba bona se, ba ne ba ikgatlha ka ene mme ba mo itpatepanye nae ka ditumelo tsa gagwe. Nako le nako fa ba dira jalo,

o ne a buwa nabo ka bonolo le ka tshepo. O ne a sa letlelele gore go sa motlotla ga bone go mo dire gore a tenene kgotsa a nyale.

Dingwaga morago mongwe wa bao ba ba neng ba le baikgatlihi ba baneng ba le dipuopuo o ne a lwala. Pele ga a tlhokafala, o ne a kopa gore monna yo wa moikokobetsi a bue kwa phitlhong ya gagwe — seo aneng a se dira.

Leloko le la boikanyego le la Kereke ga a ise ake a nne le sepe se segolo mo tseleng tsa seemo sa setho kgotsa dikhumo, mme tlhotheletso e ne e isa kwa boteng go botlhe bao ba ba neng ba moitse. O ne a tlhokafala ka kotsi mo mmerekong jaaka a ne a ema go thusa mmereki yo mongwe yo o a neng a tshwerwe ke mmuwane.

Mo go sa feteng ngwaga motlholagadi wa gagwe o ne a tshwanelwa ke go nna le loaro lwa tlhogo, leo le mo tlhogetseng a sa kgone go tsamaya. Mme batho ba rata go tla go nna le nako le ene ka gore o a reetsa. O a gakologelwa. O a kgathala. A sa kgone go kwala, o ikgakolola dinomere tsa bana le bana ba bana ba gagwe tsa megala. Ka lorato o gakologelwa malatsi a matsalo le meletlo ya kwetso dingwaga.

Bao ba ba moetelang ba tla ba ikutlwa botoka ka botshelo le ka bo bone. Ba ultwa lorato lwa gagwe. Ba itse gore o a kgathala. Ga anke a ngongorega mme o nna malatsi a gagwe a segofatsa matshelo a ba bangwe. Mongwe wa ditsala tsa gagwe o ne a re ka mosadi yo gore ke mongwe wa batho ba ba mmalwa ba a ba itseng bao ba fang sekao le lorato la botshelo jwa ga Jeso Keresete.

Khapole e ke bangwe ba ntlha bao ba ka bong ba rile ga ba bothokwa thata mo lefatsheng le. Mme Morena o dirisa sekale se se farologanyeng thata mo go sa lefatshe ka go kala boleng jwa motho. O itse khapole e e boikanyego; O a ba rata. Ditiro tsa bone ke bosupi jwa bone jo bo tshelang jwa tumelo go Ene.

O Bothokwa go Ene

Barwarre le bokgaitadiake ba ba rategang, go ka tswa go le boammaaruri gore motho ga se sepe fa o mo tshwantshanya le bogolo jwa lobopo. Ka dinako dingwe re ka nna ra ikutlwa re le bannye, re sa bonagale, re le nosi, kgotsa re lebetswe. Mme gakologelwa — o bothokwa go Ene! Fa o ka belaela seo, akanyetsa melawans e ya selegodimo e mene:

Santlha, Modimo o rata baikokobetso le baingotli, gonne ke “ba bagolo go feta mo bogosing jwa legodimo.”¹⁷

Sa bobedi, Morena o re tshepile ka “efangele ya botlalo ya [Gagwe] [go] anamisiwa ke ba babokowa le ba bamotlhofo goisa dikhutlhong tse nne tsa lefatshe.”¹⁸ O tlhophile “dilo tse di bokowa tsa lefatshe [go] tla pele go robaka tseo tse dikgolo tse di nonofileng”¹⁹ mme le go tlabisa ditlhong “dilo tse dikgolo.”²⁰

Sa boraro, go sa kgathalesege gore o nna kae, go sa kgathalesege gore seemo sa gago se boikokobetso jang, gore mmereko wa gago e bonnye jang, gore go bokgoni jwa gago bo kgorelesegele jang, le gore o bonagala o tlwaelesegele jang, kgotsa pitso ya gago e katswa e lebege bonnye jang mo Kerekeng, o a bonagala mo go Rraetsho yo o kwa Legodimong. O a go rata. O itse pelo ya gago ya boikokobetso le ditiro tsa gago tsa lorato le bopelontle. Mmogo, di dira bopaki jo bo sa felleng jwa maitlamo le tumelo.

Sa bone gape ele sa bofelo, ka tswee tswee tlhaloganyana gore seo o se bonang le o se itemogela jaanong ga se se tla nnang jalo go ya goile. Ga o kake wa ikutlwa o le budutu, o hutsafetse, kgotsa o nyemogile moko go ya goile. Re na le tsholofelo ya boikanyego ya Modimo gore Ga a kitla a re lebala kgotsa a re a itlho-komolosa bao ba dipelo tsa bone di bobetsegetseng go Ene.²¹ Nna le tsholofelo le tumelo mo tsholofetsong eo. Ithute go rata Rraetsho yo o kwa Legodimong mme o nne morutwana wa Gagwe ka lefoko le

ka ditiro.

Nna le netefatso ya gore fa o itshegeletsa, o dumela go Ene, mme o nna ka boikanyego mo go tshegetseng ditaello, le tsatsi lengwe o tlaa nna le maitemogelo a ditsholofetso tseo di senotsweng go Moaposetola Paulo: "Leitlho ga le ise le bone, kana tsebe e utlwed, kana go tsene mo pelong ya motho, dilo tse Modimo a di baakanyeditseng bao ba ba mo ratang."²²

Barwarre le bokgaitadiaka, Motshidi yo o maatla le go feta mo lobopong ke Rara wa mowa wa gago. O a go itse. O a go rata ka lorato le le botlalo.

Modimo o go itse ecsng fela o le motshidi wa motho mo polaneteng e nnye yo o tshelang ka paka

e khutshwane — O go bona o le ngwana wa Gagwe. O go bona ole motho yo o kgonang yo o dire-tsweng go nna. O batla go re o itse gore o botlhokwa go Ene.

A ko re dumeleng, re tshepeng, le go isa matshelo a rona tseleng gore re tlhaloganye boammaaruri jwa roan jwa bosa khutlheng le boleng jwa e kannang jwa rona. A ko re nneng ka boitekanelo semoweng go masego a a thwathwa ao Rraetsho yo o kwa Legodimong a re a beetseng ke thapelo yame ka leina la Morwa wa Gagwe, eleng Jeso Keresete, amene.

DINTLHA

1. Bona Moses 1:2.
2. Moses 1:10.
3. Moses 1:33.

4. Bona Andrew Craig, "Astronomers Count the Stars," BBC News, July 22, 2003, <http://news.bbc.co.uk/2/hi/science/nature/3085885.stm>.
5. Moses 7:30.
6. Mosiah 4:11.
7. Doctrine and Covenants 18:10.
8. Bona Moses 1:38–39.
9. William Knox, "Mortality," in James Dalton Morrison, ed., *Masterpieces of Religious Verse* (1948), 397.
10. Doctrine and Covenants 121:7.
11. 3 Nephi 11:38.
12. Mosiah 3:19.
13. Luke 18:14; bona gape le temana ya bo 9–13.
14. Mosiah 2:17.
15. Dieter F. Uchtdorf o alogile lantlha mo tlaseng ya gagwe.
16. Bona Acts 10:38.
17. Matthew 18:4; bona gape temana ya bo 1–3.
18. Doctrine and Covenants 1:23.
19. Doctrine and Covenants 1:19.
20. 1 Corinthians 1:27.
21. Bona Hebrews 13:5.
22. 1 Corinthians 2:9.